

Մայրենիի (ընթերցանության) օլիմպիադա
Մարգային փուլ, 5-րդ դասարան
2025-2026
Տևողությունը՝ 120 րոպե

ՄԱՅՐ
Ըստ Գեղա Գարդունիի

• Միրելի՛ աշակերտ, ուշադիր կարդա՛ տեքստը:

Միցո. այդպես էր կատվի անունը: Ինչե՛ր չէր անում այդ զարմանալի կատուն: Նա իսկույն հայտնվում էր, հենց որ լսում էր իր տիրոջ՝ Անդրիչի սուլոցը: Իսկ եթե տղան սուլում և չորեքթաթ ման էր գալիս, կատուն ցատկում էր նրա մեջքին և սկսում տրորել թաթերով, ճիշտ այնպես, ինչպես տնային տնտեսուհիները խմորն են հունցում:

Միցոն շերտավոր էր: Ճերմակի և մոխրագույնի մի զարմանալի խառնուրդ էր: Աչքերը կանաչ էին, և դրանց խորքերում ոսկի ցուլքեր կային:

Աշնանային մի օր Անդրիչը ասաց ընկերոջը.

–Կատվի ձագ ուզո՞ւմ ես տեսնել:

Նրանք վազեցին դեպի ախոռ: Մի ականաբար Քարձրացան խոտանոց: Կատվի ձագերն իրոք շատ էին: Նրանք անիմաստ սողում էին մեկը մյուսի վրայով: Միցոն նստած էր նրանց մեջտեղում և լիզում էր մերթ մեկին, մերթ մյուսին: Միցոն նրանց մայրն էր: Այսօր ի նչ տարօրինակ հայացքով, գրեթե չարությամբ էր նայում իր սիրելի Անդրիչին ու նրա ընկերոջը:

Նա կարծես հարցնում էր. «Ինչո՞ւ եք բարեհաճել, տղանե՛ր»:

Հետո կատուն շարունակեց լողացնել իր ձագերին: Եվ մոռացնում էր այնպես, կարծես մեղմորեն դիպչում էր թավջութակի լարերին:

Այդ գիշեր մեծ դժբախտություն պատահեց: Անդրիչենց տունը հրդեհվեց: Գյուղում աղմուկ էր, խառնաշփոթություն: Մարդիկ դուլլերով, տակառներով վազում էին դեպի վառվող տունը:

Մի րոպեից կրակը հասավ ախոռին, այնտեղից՝ խոտանոց: Տղաները ուզում էին վազել, փրկել Միցոյին ու նրա ձագերին, բայց մեծերը խստորեն արգելում էին: Այդ պահին խոտանոցի դռան մեջ երևաց Միցոն: Նրա ատամների մեջ ճոճվում էր ձագուկը: Մայրը զգուշորեն իջավ և ձագին դրեց գետնին՝ տղաների ոտքերի մոտ: Այնուհետև նորից պատի վրայով բարձրացավ խոտանոց և նորից հայտնվեց ձագուկի հետ, որին ևս ներքև իջեցրեց:

Բոցը հանկարծ կլանեց ամբողջ տանիքը: Կտուրը ճարճատում էր, ճռռում, քանդվում: Միցոն մի անգամ էլ կարողացավ վեր մագլցել: Նա աղեկտուր ու սրտակեղեք մլավոցով դեսուդեն էր նետվում պատի եզերքով, կրակի լեզուների միջով: Հետո հանկարծ շեշտակի թռիչքով նետվեց կրակի մեջ:

Տղաները երկար սպասեցին...

Իսկ հիմա կատարի՛ր առաջադրանքները: Քեզ մաղթում ենք առավելագույն ուշադրություն և բարձր տրամադրություն:



1. Ի՞նչ էր անում Միցոն Անդրիչի սուլոցը լսելիս: Ընտրի՛ր ճիշտ պատասխանը: 1 մ.

- 1) Վախից փախչում էր:
- 2) Թաթերով խմոր էր հունցում:
- 3) Իսկույն հայտնվում էր:
- 4) Ցատկում էր նրա գոգը:

2. Ի՞նչ ես կարծում, նշվածներից ո՞րը չի համապատասխանում Միցո կատվի նկարագրությանը: 1 մ.

- 1) սպիտակի ու շագանակագույնի խառնուրդով
- 2) կանաչ աչքերով՝ խորքերում ոսկեգույն ցուլքեր ունեցող
- 3) զարմանալի
- 4) շերտավոր

3. Տեքստից դո՛ւրս գրիր հոմանիշների երկու գույգ. 2 մ.

_____, _____

4. Տեքստից դո՛ւրս գրիր հետևյալ բառերի հոմանիշները. 6 մ.

անմիջապես- _____
ակնթարթ- _____
կտրուկ- _____
իսկապես- _____
ձիանոց- _____
այրվել- _____

5. Ըստ քեզ՝ ինչպիսի՞ն էին Միցոյի և Անդրիչի հարաբերությունները: Խոսքդ հիմնավորի՛ր մի քանի նախադասությամբ: 5 մ.

6. Կարծի՛ք հայտնիր, թե ինչու էր Միցոն գրեթե չարությամբ նայում իր սիրելի Անդրիչին ու նրա ընկերոջը: Մտքերդ ձևակերպի՛ր 3-4 նախադասությամբ: 5 մ.

7. Ըստ քեզ՝ բոլորից շատ ու՞մ էր վստահում մայր կատուն: Խոսքդ հիմնավորի՛ր բնագրի տողերով: 5 մ.

8. Ի՞նչ ես կարծում, մեծերը ճիշտ վարվեցին, երբ իրենց զավակներին թույլ չտվեցին օգնել կատվին: Մեկնաբանի՛ր մեծերի արարքի դրդապատճառները՝ մտքերդ ներկայացնելով 3-4 նախադասությամբ:

5 մ.

9. 4-5 նախադասությամբ շարադրի՛ր, թե ինչ էիր զգում պատմությունը կարդալիս և ինչու:

5 մ.

10. Ըստ քեզ՝ ճիշտ է ընտրված վերնագիրը: Հիմնավորի՛ր մտքերդ բնագրի դրվագներով:

5 մ.

11. Պատմության համար 5-6 նախադասությամբ ավա՛րտ հորինիր:

8 մ.

12. Պատմության համար նոր վերնագի՛ր հորինիր:

2 մ.

Ընդամենը՝ 50 միավոր:

Ուշադրություն

- Տեքստից բառացի արտագրված նախադասությունների համար միավոր չի տրվում:

Հանրապետական հանձնաժողովի նախագահ՝ Հասմիկ Հովհաննիսյան